

於陵子全

求甚樓收臧

叙

陶會稽稱素中郎為田水月子之桓譚不知文長公之為田子終
桓譚久矣徐子越異才肅皇帝時淵閣金陵俱中倭患都憲胡梅
林公殲汪醢徐俱密計與陸務觀齊名而其鍊骨錦心雄才大畧
則過之今時人尸祝不待言文集行于世有集闕錄櫻桃館錄
莊子內篇參同契黃帝素問郭璞葬書各若干卷有四書解首楞
嚴經解各數篇又為人弁文首叙四十餘篇惟於陵子及叙逆
馬子特耳其有是書也今歲綏之吳生問字于月膺居其先數
世俱以名進士為清白吏有泉亭水部二集行世皆以高古博洽



聞故其留空囊四海而架上遺籤不減李侯二酉張家三篋子時
過齋頭偶見一帙拾而觀之則文長徐公評於陵子也讀竟感嘆
再三子謂吳生徐公生嘉隆間與令祖公當同時此書世不恒有
而子獨藏之豈當肯亦聲氣相求又名伯仲者耶奈何以覆甌終
也不數日吳生梓之捐予曰此刻即先生意也問序于余余遂并
之仁和陸尚友撰

於陵子

畏人

齊 田仲 著

齊人以巨擘
讓仲子口是
無畏
何等感動

不減秦世之
照腹燃屏之
燭魔

於陵子畏人東田大夫曰仲尼亦有言羽毛弗可與同羣今子畏
我冠帶將疇與倫請殿其故於陵子永息撫末辟臚而言曰嘻予
知噬螫予寤俎血肉胎子晏笑凌扶而吳越趾趾者曉且夜也
彼沉世者昧欲反之願復戚之可無畏耶今大夫請其故畏莫畏
乎知夫矣大夫曰奚畏於陵子曰予觀大夫心山川予戰予躋陟
也貌極枯乎械予肢體也視鷹鷂乎不知其欲也言風雲乎不知

即蒙莊吾
喪我之說
括育金篋

其變也。夫如是，奚不畏也？大夫曰：亡行故醜于德，然未嘗毀則公
朝縣臯郊境，董以形焉。則軒虞而下，將滅景欵，非則人將畏子矣。
於陵子曰：柅哉！言大夫也。夫聖人弗以形，以形者，至令四
海知以是，不形子，子景光不貌子，淵監者畏我也。然猶未爾，謂神
君混樸而辱子，智謂自然靡飾而放子，禮謂情素澄塞，亡使美神
刺吾耳。致譽，勿吾古由今，且弗謂我存懼，和以不我畏也。乃大夫
徒知我之畏人，而不知我之畏我，知矣。

畏人人畏我，畏我反覆古奧，不但議高，亦且筆妙。真先秦
以上之文，非漢魏人所及也。

巢父不洗耳
安使後人知

貧居

原存性命所
以樂

箕子錡齒安
而隽婉

於陵子貧居，而人莫能任焉。淳子子問曰：民之生也，樂貧賤乎？樂
富貴乎？樂貧賤也，則和說不必貴，然贛不必富，樂貧賤也，則匹夫
非寧也。蓬蔬非寧，居子獨能久乎？於陵子曰：最昔之民，相與鈞天
地之有，幾生人之等，休休與與，亡校滿損，由夫伐氣者，已業沉欲
者，已聚而貧賤形矣。今也，德予氣便，不知勢位之榮也。廣予欲
恬，不知金玉之利也。忘得失之心，保性命之樂，亦惡能舍此適
彼哉？淳子子曰：子不觀一介之人，遇淖履則踐，見社主則拜，鈞一
木也，而人之恭侮若此，何哉？今天下恭富貴而侮貧賤，都人人子

蓋逆所擇去矣於陵子曰嘻夫淖履也社主也社主也木亦何榮辱與溥予子暗而出

張衡定情蔡邕靜情俱在範圍之內令人可感可歎
辭祿

齊王將使於陵子為大夫於陵子諱曰君不聞草之昌羊乎夫昌羊麗神確礫沐生水泉翻自造于幽熾之下嚮使置之以墳壤糞之以穢溼晞之以日光則旦夕稿矣何者非其好也今臣之首逢胡而宜臣弊帑不仕大夫冠也臣之足辟跳而宜臣蘇履不稱加知履也臣之體倚偶而宜臣絁絡褐臣之口恬澹而宜臣糟糠

故曰衣冠桂糖

不樹之無何有之鄉廣莫之野能不天于斧斤於此聖人所以歎也

不仕加知腹與食也凡今之貴為大夫者皆非臣之所宜則奚貴為大夫矣且臣之知識不知于室之內齟為不出越于一躬之外亡功而祿是羊豕也臣寧四志而慕藿不忍羊豕而梁肉知遂劫齊之楚居于於陵

高士傳無此斬截磊落

遺蓋

於陵子休于青邱之間去而遺其蓋天將雨識者獲而馳反之於陵子於陵子曰我國忘蓋子誦我蓋也識者曰何言乎誦知也蓋也適先生遺之青邱之間天方雨不忍先生亡蓋因馳而反焉

捐讓三益
征誅一局

何言乎誦先生蓋也於陵子笑曰子隘矣知帝唐一旦謝九五而
天下不存也吾既遺之矣惡得有之以重天下哉行遂不顧天大
兩識者曰雨既降矣吾將與先生胥而庇之於陵子曰齊君與吾
同姓不以賤而庇其貴齊卿與吾伯仲不以貧而庇其富今一兩
之患不加于貧賤而半蓋之庇卒重于富貴非吾不庇子人之意
也請子庇子之蓋我庇我之意而已

孟敏不顧墮釜梁鴻不因熱爨其聞風而興者與是亦末世
之伯夷與
人問

爰難自佳

湯文未免遠
議持論自平

齊楚有重邱之役人問於陵子曰齊子產也楚子居也得失子具
焉今二國換兵子將奚直於陵子曰古者公侯擅征伐天子得按
罪而輕重之然殷湯殲葛桀和之也西伯戡黎紂未亡也彼所謂
聖人者且首干而靡悔焉矧蔑天子未有如今者乎昔者泰山與
江漢爭玉兩京不下泰山天曰弗讓吾飄塵以實彼濟澮且不為
齊主江漢亦天曰弗記吾餘瀝以蕩彼培塿且不為楚雄于是有
中州之蠅將起而責其是非欲東至泰山會程三千餘歲欲南至
江漢會程亦三千餘歲因自量其齒則不過旦暮之間于是悲憤
莫勝而枯于蓬蒿之上為螻蟻所笑今天子拱手且不能按其輕

今之靈解者
伊何人哉

重而一四之知非有勤和之辨誅賞之權輒欲起而議之則何以
異乎中州之婦為樓蟻所笑也

觀此則知瑾歌蒿里諸作孟德自謂勘破卒初景升公路公
案而不知旋自供案矣千古英雄好事誰復免此此高士之
所以不可免也

先人

凡居先者不國中大旱於陵子晨汲于東郭以十里而盡其泉後者繹踵靡得
可為也寧直取我即妻子后咸競以內譙其後人也於陵子慄踊而悲曰嗚呼天為之我為之
其身而身存耶我為之人為之耶且吾未嘗先天下事而貧而爭也則茲誰先
不過其

誰肯誰肯

乎人而貧乎飲乎爭乎汲乎豈貧好乎我沈乎爭乎非然者孰
使我爭孰使我先孰使我貧喪古貞廉人為之耶我為之也我為
之耶天為之也于是聚諸汲鈞兵有震其釁裂其綆匍匐而還閉
門而哭泣三日絕食以懲其先人也

直木先伐甘井先竭

辨窮

於陵子居于於陵茅芒亡任雨雪墉堵莫禦森暴信宿蕪飧寒暑
并服然未嘗輟琴歌之聲接予使楚過而聞之曰秩乎故人之
聲也遂休轅而晉于蓬門之下莫信其冠履焉乃勞之曰子窮矣

乎於陵子仰天大笑曰子窮矣接子曰謬談乎子之我窮也夫人
貴為公卿與君臣襄理千乘舌為政令指為石畫小大凜畏繡衣
肉食美妻妾盛輿馬親戚飽其餘糈里閭灼其煨燼勲名德譽班
于鄰國匹夫至此庶幾乎達矣若子者志降于時言斥于眾身去
父母之邦神死槁莽之下凍餒之色徵于四體委命溝壑展足可
待此亦篤生人之辱極吾道之凶矣然不自窮而窮我亡亦謬乎
於陵子曰夫良金百鍊而不失其和美玉百澀而不渝其潔者此
固不能以窮也曩吾與子寧茲否道辟彼末流相與窒其耳目
忘其口體藏其心志三十年而窮亡乎我且至今也今子一旦自

嗟乎窮安能
驅人也哉人自
驅于窮身

守之真失而窮驅之勢利之壇聲說水食之困既鬼乃真德乃
乃躬節口子外勤子中是亡能乎窮而受窮所窮矣受窮所窮
而子窮矣

饑讀之以當食寒讀之以當衣幽憂而讀之以當琴瑟歌舞
不減考槃泌水之什

大盜

有淵人亡珠于市於陵子過之而疑焉遂聽于市長於陵子澤也
亡與辨也市長投座起曰此於陵先生也天下所共與廉者今子
獨穢及焉吾休汝尸巷閉矣於陵子漂涕交臆怒不荷言市長曰

便高
市長庶幾具
眼

夫。貌。不。舉。予。知。心。神。不。抑。予。味。已。固。真。人。不。為。世。憾。也。今。行。凶。敢。謂。知。先。生。而。庶。先。生。彼。淵。人。不。足。謂。味。先。生。而。盜。先。生。然。欣。戚。倘。施。庸。有。以。耶。於。陵。子。感。然。曰。夫。木。不。戒。于。斧。斤。而。戒。于。桁。械。者。為。身。害。小。而。為。名。害。大。也。今。珠。吾。沒。齒。悼。盜。孰。與。庶。吾。百。世。盜。乎。蓋。沒。齒。易。盡。百。世。亡。忘。亡。忘。誠。悲。也。市。長。曰。夫。行。由。表。立。名。捷。景。赴。庶。奚。盜。也。於。陵。子。曰。子。不。聞。赫。胥。之。上。大。道。百。行。匹。夫。共。而。不。有。庖。羲。之。下。元。風。夏。德。至。人。有。而。不。矜。迨。夫。五。帝。鑿。民。心。以。自。私。予。是。盜。德。行。予。五。品。相。委。盜。知。術。予。蒙。樸。和。開。公。輸。巧。而。衆。人。愚。離。未。明。而。天。下。瞽。知。且。其。不。近。盜。之。田。月。而。久。盜。之。天。地。久。不。已。

也。則。聲。盜。之。雷。霆。聲。不。已。也。則。鬼。盜。之。神。明。竊。其。情。貌。非。古。今。之。所。謂。大。盜。耶。今。天。下。不。幸。而。旅。真。庶。獨。使。大。盜。歸。我。哀。微。肩。矣。須。臾。有。拾。遺。者。聞。之。以。其。珠。歸。市。長。市。長。曰。於。陵。先。生。亦。悲。盜。庶。也。請。子。亡。盜。義。我。其。敢。逃。盜。能。聽。也。哉。

佛 市長拾遺即是於陵清淨法身圓滿報身一珠之中現三世

夢葵

於。陵。子。過。句。氏。之。圃。而。美。其。蔬。則。夜。夢。拔。葵。而。烹。諸。明。曰。於。陵。子。遺。之。句。氏。履。句。氏。曰。小。人。貨。用。者。不。敢。先。儕。偶。澀。子。澀。子。由。今。度。

來之不亡往也於陵子磬之故句氏曰知夢神駭也是以善敗顛
馬今予樊口臯乎防寧忍以履毒予也取子指亡罪乎攘獨奈何
以履毒而予也於陵子曰俾神而駭也二又商與相周與齒已耶
否者神非意乘乎意非我乘乎子固亡取安免我須歔蹠也句氏
曰子不朕之為蹠欲我昭以為蹠耶遂不取弃之通莊人聞二子
之風三年不取而萎焉

人之覺也猶夢仲之夢也猶覺牧羊之夢為王公相也然自
為王公也羊之為因也請問因從何生此睡方即仙方與
巷之人

於陵子薪于野遇巷之人耦負于途罷思息焉巷之人曰瞞而墳
然者小人居也請得假力乎否於陵子曰諾及門弛荷將趾畿焉
觀縣躡而止問曰奚縣此臯人之具也巷之人曰使楚固靡廢乎
法乎小人業為之靡廢步也於陵子曰胡以爾也毋寧履而業乎
巷之人曰夫履指稠而報淺亡若躡檀而報昂我餽口者於陵子
曰殆夫子之業也將三賊咎絲之意而三楚國耶夫楚歷先神而
村有江漢者非得予全民首踵而為之奔走哉今考而業也則是
上尸雲主下藏戮民雲主戮民湯武所為基也鬻熊將不食予且
而奪鬻熊之食以餽其口盡楚國之足以實子室蓋所夷豫矣幾

何而不怒予無辜使子業弗售一人利也嗟乎予又安能于楚國之憲以副子之欲哉遂舍薪而趨曰巷之人將助我矣

晏子踊貴之說得此而大暢

未信

窮收宛然

猶未信乎

於陵子之妻齊大夫之子也去華靡而降處飢寒白首未厭而心由未信于於陵子他日於陵子不食三日積雪拒門突微生烟楚王使使持黃金百鎰聘於陵子為相於陵子辭而謝其使者因入占其妻曰楚王且相我今日匹夫明日結駟連騎食方丈于前可乎妻曰前夫子不為齊大夫後夫子不為楚相此固妾信于生

猶未信乎

信矣

平也事母亦有非然者耶妾謂夫子織履以為食非與物治也左琴右書非與物亡接也飲食笑歌樂亦在其中矣何辱于楚相哉且結駟連騎所安不過容膝食方丈于前而由不過一肉今以容膝之安一肉之味懷楚國之憂可乎竊恐亂臣多害不保知子朝如也於陵子笑曰子誠我妻也業已却之矣遂信其妻相與逃去辟楚之重命

展禽之妻介推之母鬚眉丈夫對之汗下

灌園

於陵子既辭楚相為人灌園有楚大夫過而識於陵子眾人曰先

生不為千乘僕心乃為十畝陳力毋亦辭信而就屈耶於陵子曰
 子徒知信我之為信而不知信天之信耶夫伊尹之于太甲周公
 之于成王咸身都師保之隆家伴王室之富名位兀盛矣然未免
 復辟之禍屈東之放則安在其信也以是知貴我者之賤而卑寧
 不去也知敬我者之辱而禮寧不享也知威我者之疏而獨寧不
 羣也知譽我者之損而晦寧不彰也明不燭于闇而信于蒙冥
 知不理于勢而信于寂寞道不因其沉而信于立往食加灌
 園之餘寓神冲靈之表一裘禦冬一簋驅夏依息同乎禽祿內徵
 乎天息也然為伊尹周公降氣也者而子願屈我不亦怪乎

丈人薄桔槔而貴抱甕其以此哉說得富貴直恁無味不作
 名利想矣所以淡字非濃字之針直須窮到濃處下場頭則
 霍然必止

於陵子終



於陵子終

歲在重光作垂之病月抄于潮東戴山書院
之清暉閣 朗僂記



此偽書也歷來收藏家多不載錄唯錢遵王述古堂
書目獨載之蓋遵王別立偽書一門故此書亦並列焉
昔鄉先達陶子師先生為學使者評文滇南試
陳仲子題諸生中有用一匹之夫句者先生直之置
末等及入詞館設及是事而是人已散餽補編脩先
生固未之和是人自讀天下書未編不可妄下雌黃此
句係於陵子人問篇雖心不徑而究屬成句直之未免
太過也先生嘿然及技訪累年未能一見是書臨終

謂其子曰余生平無恨事唯未見於陵子終覺憾
然異日得之當于余墓門前眼誦一過毋忽噫先
生為吾鄉閩人文章學問藉人口余以知先生
之有是事而不知先生之家已曾得過否也因假
錄一過臧諸篋中并綴教語以志遺閩亦甚樸主
人眼仙識時去抄畢之歲方二載

